




虞美人

東風拂檻腰肢顫碧血虞子濺裂殘骸  
塵占取年年春色駐芳魂重瞳伯業雄西楚  
瞥眼花頭露美人生氣幻鉛華猶傍如虹劍影  
吐靈葩

鳳銜盃

紫薇

巧翦城霞離離碎薰風弄幾枝聯綴看影壓檐  
牙綺牕四面光流紫恰正好移牀醉  
炫浮華



笑桃李雖偷春怎婪秋尾更月浸宮池夜深輸  
與仙郎對忽搔癢狂吟枝

青玉案

方竹

琅玕削出春雷斧擅異種澄州譜已解心虛偏  
中矩綠圭森剖翠環旋折風骨稜稜露笑他  
杖託高僧拄鈍漢規圓恁冤苦面面清光煩斫  
取借靈均筆寫湘娥怨方麴前身汝

方麴竹扇名見  
北史楊愔傳

憶江南

重遊某氏園

曾醉倚罨畫小紅樓斷井乍飄梧葉雨迴塘新  
作蓼花秋重到不禁愁

減字木蘭花

盆中楓樹霜葉可玩和魯菴

停車向晚霜葉斑斕烘近遠生小盆中也照幽  
人醉眼紅杜陵看取一尺剛宜堂上樹收束  
吳江冷思依依落小牕

鷓鴣天

金魚

濯錦江分一勺多幾絲苻帶碧于羅月光初皺

金鱗活花影中開繡尾拖 投以粒躍如梭章  
身底用託微波時時潑刺閒牕外海濶天空奈  
爾何

如夢令

毘陵燈夜作

暝色平銜樓榭珠箔風微初挂妬煞月溶溶剛  
照玉人如畫燈夜燈夜無意忽逢橋下

走橋毘陵俗例也

行香子

虎邱

虎踞山椒劍躍池坳歎千秋霸業全銷無多面

目忒煞粧喬却是園亭是邱壑是僧寮 客裏  
元宵客裏花朝被吳儂挽住征橈梅殘綠萼杏  
開紅梢更看丁香看木筆看櫻桃

搥練子

春日重過吳江

曾冒雪更衝風不見江頭放鴨翁今日布帆無  
恙在綠波春水又垂虹

柳梢青

酒帘

酒渴如狂忽逢茅店一片旗颺眉采先飛心旌

八  
詞  
金  
三  
九  
暗引竹葉傳香 青青影弄垂楊索占了千秋  
醉鄉油壁聲遙玉驄嘶斷踈雨斜陽

轉應曲

喬木喬木藹藹綠陰覆屋黃梅雨過池塘水閣  
風簾夏涼涼夏涼夏一局圍棋又罷

山花子

滿院秋聲在樹間開簾秋月淨如盤剛道紗幮  
今夜裏薄生寒 露浥蘭心青玉並風飄梧子

綠珠圓好景殢人涼意外與郎判

洞仙歌

題唐六如自寫行樂圖上方書醉舞狂歌五十年長句一首

眉青影白恁披圖瀟灑爭認吳趨舊風雅道生  
花夢有食肉飛難癡銅對真我不教人寫 黃  
金雙袖淚抗節強藩掾史何當損卿價五十感  
流年醉舞狂歌春夢裏漫參真假料點染溪山  
著閑身已早印如如水沈熏罷  
前程兩袖黃金淚公案  
三生白骨禪六如句也  
嘗一赴寧藩聘窺其有異志以佯狂得免歸

小波詩錄  
三  
瑣牕寒

悼亡爲繼室謝丁巳冬作

小雪初過剛剛兩日繡幃人去鴛鴦格磔叫碎  
一天寒雨憶當年百兩將迎阿翁擁節洪都府  
正滕王閣下秋江千里畫船簫鼓 回顧吟聲  
苦竟颯颯空庭拍殘柳絮乖暎似我錦瑟傷心  
曾賦聽上絃別鶴驚飛下絃乍咽鸞不語黯  
熒蠟淚今宵并舊時酸楚

御街行

寒夜咏擊柝子

三搗鼓罷更初起警柝聲如沸邏巡虎校怕相  
逢令下金吾嚴厲營前營後城頭城腳敲得寒  
聲碎 愁腸半割邊風利夜夜冰霜隊抱他苦  
竹當衾裯束水一般滋味珠幃重下芸篝深護  
鴛夢初回未

蘇幕遮

日初醺江似練買得蜻蜓恰趁東風便挂起蒲  
帆剛一片千頃玻璃狂阮開青眼 算新年纔

下澣短驛長亭綠遍垂楊岸何事今年春太賤  
九十韶光隔歲賒旬半

木蘭花慢

外舅謝肅齋先生庭中玉蘭盛開花下感賦

鬱亭亭玉樹記曩日看花時似姑射停驂飛瓊  
解珮並宴瑤池瓊瓏滿枝高綴恰東山謝傅雅  
相期絲竹筵前夜月珠簾閣上朝暉 今來瑾  
璨復如斯依舊照金卮奈莊缶歌殘秦樓信斷  
惱亂陳思臨風妒他光皎正酒和淚眼對仙姿

只恐歌喉咽也紅牙莫按新詞

西地錦

檻外綠陰新嫩覆琴韉微潤簾波不動篆煙未  
續似那時春困 飄瞥番番花信最今番愁損  
雛姬好事中厨配取笑簇盤櫻筍

憶王孫

畫扇

翠蕞葉葉展如箋知是前身扇子仙小苑深沈  
綠漲天筆花妍更著紅薇點砌邊

荷華媚

西泠橋荷花

冰匳淨如洗芙蓉面托出亭亭西子西泠橋下  
路衣香鬢影任偎紅倚翠 却最好清夜遊人  
散有微吟漫客花邊船樣三更月還招向風裳  
開處正笑扶殘醉

唐多令

讀書西湖翁氏莊戊午秋試前作

藪桂閉巖扃幽芬擢晚晴愛客居西近西泠一  
餉停毫閒倚閣收紫翠夕陽屏 蝸角戀微名

槐花夢未醒任囂塵不到湖垞別館下帷人處  
處秋色裏讀書聲

臨江仙

送陳苑游歸虞山

送臘新筍兼送客珍珠細滴銅槽驪歌乍唱欲  
魂銷尊前傾柏葉江上放蘭橈 握手重期來  
歲約者回草綠裙腰明朝空憶片帆高平波何  
渺渺寒雨更瀟瀟

三姝媚

己未立春



今朝書已未算殘年新年日猶爭四笛鼓街頭  
正土牛紛擁綵旛高曳穩睡芒神被爆竹數聲  
驚起三十過頭五歲平添暗催春至 一殘屠  
蘇醉矣更貼燕黏鷄準他年例冉冉韶華喜鏡  
中雙鬢尚青青耳不了詩書只笑傲東風頻寄  
多謝庭梅芳訊依然見慰

東風齊著力

賦新柳分得二月春風似翦刀句

難攝梅魂猶遮桃臉已過花朝鵝黃乍換綠散

一條條縷縷絲絲樹樹誰偷翦碧玉輕綃生憎  
殺封姨賣弄飛落并刀 拂水復縈橋吹起處  
正如舞袖飄搖漫裁別緒只索殢人嬌好截春  
光一半和煙雨託付纖腰紅樓上凝粧少婦繡  
尺渾拋

攤破采桑子

仿北宋趙長柳體

畫欄差覺垂楊暗幾處芳叢幾片殘紅太息韶  
光轉眼空也囉禁不住落花風 牀頭一霎初

停繡似醉春濃似夢春慵悶損人兒又晚鐘也  
囉禁不住落花風

喜遷鶯

題春山求友圖

面朋奚益問大塊茫茫伊誰莫逆報佩稱詩盍  
簪由豫此事不關車笠縞帶幾投同調珠履競  
誇豪客君之友想耕雲天畔山南山北 物色  
判踏遍繡嶺苔岑怕沒高人跡豹霧開時鹿花  
銜處當有向君長揖藥徑曉螺浮翠松戶亂鶯

啼碧雲深也任林臯把臂紅塵迴隔

河傳

春晝日送人赴楚幕

津柳杯酒雨僞風慙驪唱歌闌送春催別恁教  
揮手輕判兩無端 文章光價真難掩懷鉛槧  
壯奪青萍膽故人招汝乘興掉臂南遊話荊州

南鄉子

晚蔭竹梧幽平展桃笙似水流西閣枕闌風雨  
夢驚秋秋上心來恰是愁 無月照鍼樓不信

天邊會女牛斷送那人天一角悠悠小扇踈螢  
索記不

玉京秋 稻花

平野濶良苗孕新露萬芒齊撥碧穗紛披翠苞  
逗破銀鬢纖活何處疇邊隴畔悄迴風微點晴  
雪真清絕野門臨水坐來香別 最好分秧時  
節綠鍼初油油似髮穉稭而今龍蔥如許勻黏  
瓊屑稚子歌呼愛只愛紅酒花鷄同挈遲秋月

先倩涼螢綴末

許渾野門臨水稻花香岑安卿徐行阡陌稻花  
開稚子歌呼高拍手戴表元紅酒稻花鷄范成  
大涼螢不復舉點綴稻花末按此調諸選缺五字今  
御製譜特從詞  
緯校正

搗練子 鶯脰湖

霜熟蟹鱠殘魚一櫂秋風最憶渠當日鴟尾曾  
泛宅更無人占釣人居

唐多令 慧山寺試第二泉值小雨

香乳孕幽巖標名亞谷簾稱探奇剛挈緡匳一  
月影孤苔甃冷脩綆下碎冰蟾 蕭寺愛清巖

松篁戛韻兼笑披襟兩腋風添且更漪瀾堂小  
駐飛雨灑九龍顏緬遜見山谷詩

驀山溪

山村寒甚欲雪

曉寒何甚朔吹山中大矯首看同雲早堆却亂  
峯幾箇墟煙縷縷只自戀茅檐飄漸散起還凝  
忽把寒空鎖 分明釀雪雪意何曾果折葦數  
枝花任橫斜溪旁岸左歸橈且緩對景倍清幽  
吟成矣酒賒無乞去聲我松明火

酷相思

嬾淡春光嬌未透等閒過燒燈候認枝上寒香  
開似舊笛裏也驚花瘦夢裏也驚花瘦 底用  
消寒圖九九檢點出年華驟自天外歸期傳到  
後風漾也簾波皺心漾也簾波皺

惜分飛

乍歇雕梁雙燕語春傍閑庭欲暮明月窺芳樹  
海棠紅到銷魂處 真箇翠幃深幾許一片行

雲小駐夢裏輕牽去轉愁新夢重尋汝

鵲橋仙

鼠姑鈿卸龍孫褪樓角榆錢輕簸遠天如夢  
夕陽酣錯怨了良宵燈火 意將春惜眼留春  
住鏡裏花枝阿那文園悞殺上宮人恁一笑相  
逢閒坐

漁父

細浪魚天不上潮一溪煙水皺葡萄漁父唱罷

師搖未許驚他白鷺翹

浣溪紗

友人遣妾非其意也戲作棄妾詞

淒蝶無依桂影殘涼蟬不上鬢兒邊此情休訴  
薄雲天 提起玉釵三歎息羞餘團扇五流連  
秋風秋雨是今年

周密詞桂影弄淒蝶

琵琶仙

天際真人尚凝想企腳攏絲牕北誰更移調楓  
香崑崙正羞服憑妙手脂鞞帶底暗偷取幾聲

宮曲掩抑非箏璫瓏散水停了還續 且隨意  
嬌撚春風早彈得秋空月如燭何處鴈行驚起  
又沙塵飛逐千萬縷幽情密恨向四絃訴出偏  
熟頗憶荆府參軍善教鷓鴣散水璫瓏見樂天詩散水  
調名  
百字令 宿尖山祖塋丙舍  
岡巒如帶忽青尖點點雙峯高矗溟渤波濤驚  
倒捲日夜鯨吞山足緬我先靈奠茲幽宅廿載  
前頭卜心魂猶怖昔年曾被潮毒 喜得神道

依然墓廬無恙長蔭松楸綠更說平沙新欲漲  
百里危堤重築生者安居死而樂土可但吾家  
福掀天雷雨今宵邛夢偏熟 是夜雷雨大作

紅牕聽

子規鳥和韻

青壁梯危愁聽汝切莫過蜀西川路誰教啼斷  
紅牕月惱花魂無主 夜夜催歸歸未苦天涯  
夢何曾暗把香閨隔住鷓鴣翻勸道哥哥休去

八聲甘州

錢王祠

豁雙眸瀟灑好湖天一統表忠碑宋錢王遺愛  
蘇公奮筆趙守興祠此乃靈芝故苑改創屬明  
時肸鬻今尤肅

宸藻翔飛 大是東南民福賴四王繼美歌舞  
遊嬉怎神人裘馬剛說射潮奇映垂楊朱門碧  
殿邁千秋合祀鎮相宜靈如戀錦塘風月緩緩  
來歸

明月權孤舟

西湖采蓴

暮雨蘋風分翠鏡正搖漾三潭絲影股溜釵長  
香撩髮膩摘向水晶盤瑩 配取渠儂鹽豉稱  
匙流滑帶將秋冷玉腕初調酒腸新滌不上五  
湖煙艇

探春慢

題三餘叔桃源春泛圖

麗景圖成幽人占取天開三月春面水碧于羅  
山青如黛界出天桃紅遍徐鼓蘭橈去又贏得  
一雙柔腕此中何處真佳箇儂之外無伴 冷

笑癡兒襍襪向蟲睫生涯恣尋荒幻酒幔茶檣  
魚津花渡爲問阿誰綠淺放眼春如海儘付與  
風懷舒卷容我洄沿胡麻儻逢香飯

解連環

辛酉榜發自朝

解名傳到嗟門庭寂寂又知康了算此生四酉  
于今困十九年來棘闈昏曉被放番番恁遺卷  
禍他黎棗慣攜筐解鞵逐旅而前回首堪笑  
湘靈漫誇句好儘三條燭影春夢多少省我命

終達還無且莫怨冬烘幾人頭腦古桂飄零漸  
秋入拒霜紅嬾判西湖借花借酒打伊瑁璪

子

乙酉生癸卯始應鄉試往科遺卷諸刻頗悔及之

卜算子

泊毘陵驛舟中戲贈友人

春色滿江南風翦春江碧穩坐吳船不計程今  
夜毘陵驛 羨酒醉他鄉不負青蓮什笑我他  
鄉作主人翻借卿充客

桃源憶故人



當年倦醉人如畫  
燕燕初窺春社一  
桁花枝低  
亞中有踈狂者  
而今又值櫻桃謝  
儂慙東風  
杯竿只索唾壺判  
打不要鵝笙炙

滿江紅

聞客舟吹笛

清夜迢迢聽竽籟  
一時都息江水上  
蓬牕之外  
飛來橫笛楊柳荒  
亭無限思梅花綺  
閣長相憶  
最玉關哀怨莫輕  
吹知君客  
牀難並桓伊膝  
壁難記李暮畫  
這糝餉就裏我將  
誰質隔浦山

昏危石墮孤舟月  
暗頽雲裂轉徬徨  
聲撼水晶  
宮饑蛟立

宴清都

書笠澤叢書後

甫里先生傳生自  
著逸情千載如見  
詩書之氣  
淵乎貯腹盎然流  
管堪嗟世丁哀亂  
竟負錨躬  
耕澤畔號散人那  
更心散形散意散  
神散  
非  
誕賤不容憂貧惟  
可賀斯言何遠茶  
租自理漁  
歌互答且曳寒繭  
江湖久忘軒冕忍  
飢裏朱黃

小波詩金  
梁徧笑只笑死後天隨頭銜忽換

心散八字見江湖散人傳曳寒繭見散人

歌始以高士名不至及徵拜左拾遺詔下而先生卒新唐書仍列于隱逸傳

### 好事近

今歲訝春遲芳信尚封梅屋已道殘燈收了寫  
催春一曲 曉寒頓減兩三分牕戶戀晴旭昨  
夜東風隨意把草痕吹綠

### 如夢令

新綠一池堆皺吹散麴塵如酒燕子未來時閒

却捲簾人手春透春透綺閣風前羅袖

### 霓裳中序第一

伶入都奉老郎神此不足深考說者謂唐以來有之嘉興府城碧漪坊廟貌儼若潘子無困感賦長歌戲贈楊鷗汀子亦成此解楊彼中知音者

開元變樂律譜就霓裳推第一都屏了雅歌琴  
瑟歎鼻祖黎園竟留宗祏碧漪片席問甚渠千  
載消得人間世吠聲掠影事事等兒劇 詩客  
抗懷今昔聽七字長謠應拍陽秋知是特筆更  
笑我鷗汀戀他鷄肋慣將閒事質卿記否前時

畫壁重來賞古樓煙雨唱此定浮白

減字木蘭花

雨梧軒坐月

黃梅雨霽庭院綠陰清似洗頻訝淙淙一笑梧  
枝動晚風 月移牕牖葉葉都教踈處漏爛醉  
忘歸先借秋光上葛衣

南樓令

秋到太匆匆秋心已暗通損迴廊幾葉梧桐一  
領蕉衫猶戀暑這次第竟西風 團扇且從容

悲吟起候蛩便踈螢箇箇愁儂今夜嫩涼人薄  
醉月未挂下弦弓

摸魚子

秋夜雨

最無端滴殘清夢聲聲只在鴛瓦嫩涼枕簟微  
中酒多事雨將愁下愁暗惹却正是綺寮人靜  
燈初爇無眠索罷怪喫緊淒迷玉琴頻觸檐鐸  
又風打 炎氛淨偏愛梧桐影亞踈花低拂欄  
榭茶經香傳親溫了一盞秋光如畫真欲詫早

浙瀝芭蕉卷破西牕乍此情此夜待懊惱歌成  
瀟湘句續判把膩箋研

踈影

秋柳用朱竹垞先生韻三首

東風竚首記青青  
踈地游冶鞦韆紫陌塵銷畫  
角聲悲斜行冷拂孤堞涼煙落日都愁絕  
早夢斷夜烏棲候似麗人眉黛長顰嬾向舞筵垂手  
剛道添他別緒幾回欲繫馬搖落津口折贈  
何堪鄭重臨歧青眼阿誰如舊無慘最是張思

曼鎮日裏索居蓬牖且共尋歸去陶潛一酌短  
籬花瘦

天涯矯首怪西風夕照蕭瑟何驟昔我依依那  
竟摧殘經他隻堠雙堠黃埃暗把踈林護錯認  
了弄煙時候恁翠條搖漾如斯重綰已輸纖手  
白傅風情老矣小蠻慘欲別樊素絨口短夢  
淒涼玉笛誰家香絮一篝迷舊寒蟬抱處聲低  
咽怕則是慣依吟牖歎永豐西角荒園秋似玉

樓人瘦

結借用陳西麓詞句

新詞首首甚悲秋句好差勒馳驟眼底蕭條隄  
樹無情歸驂倦數官堠相思一餉迷朝雨且莫  
管渭城迎候奈月斜霜落孤凄強執遠行人手  
空憶高樓作幔者遭誤少婦妝損朱口陌上  
黃驄那復嬌嘶榆火槐煙非舊玉溝黯澹金牕  
晚却苦問謝家寒牖更冷風吹到平山歐九別  
來應瘦

平山堂歐公柳見墨莊漫錄公詞有別來幾度春秋句

菩薩蠻

癸亥除夕

歲華笑共圍爐守寅前人尚三十  
平九剛道換聲  
中元明朝甲子年 且休喧爆竹聽我殷勤祝  
把酒酌長恩青箱舊業存

琴調相思引

湖心亭子

鏡裏全窺西子妝亭空縹緲浸春光畫船齊攏  
渾似蹴鴛鴦 露面翠屏環檻列回頭粉堞卧  
波長冰壺片影宛在水中央

武陵春

湖上桃花盛放憶遠

波底夕陽紅欲濕開足兩隄花十里東風醉眼  
斜直恁酒頻加 前度招攜同載酒此景未爭  
差花靨依然人面賒花外是天涯

浣溪紗

半山道上望隔岸桃花不及至甘墩

忙殺甘墩載酒船武林郭外有桃源隔溪人語  
夕陽煙 竟渡底如遙望好閒吟剛被暮春牽  
亂山堆過菜花田

減字木蘭花

奉饒南豐先生司訓寧海並訂予同訪天台諸勝二首

先生執手話我摳衣年最久首蓓新栽漫笑堂  
階繫馬來 冷官回浦欲探煙霞從此去瘦策  
堪分持贈山中有白雲  
深慚負笈弟子頭顱今四十遲造鱸堂且盡燈  
前酒一觴 稍留清俸待佐名山遊賞供遙指  
仙鄉意蕊先飛過石梁

甲子冬仲先生別予輩之寧海學博任祖席間謂予曰是邑密  
邇天台當裹二十日糧徧歷諸勝子盍偕二三同志一訪荒齋

乎雖然吾冷官也此舉非三年不辦至期吾必待子而行兩詞所以志也嗟乎人事不齊勝遊難必丙寅夏五子遭先宜人大故是秋先生亦卒于官矣披覽慨然附識數語

徵招 水仙花禁體

衆香國裏誰攜到分明玉裝金裹短葉吐青蔥  
漸碧筴抽破素瓷新滌可簇銀蒜不妨多箇半  
面藏春只愁輕凍臘前花朵 娟秀絕堪憐瓊  
瓏影妝臺鬢雲空鞞伴瘦石涼沙最清寒無那  
仙姿容對我早吟席冷牕虛左東風驟欲笑江

梅慣等閒飄墮

點絳脣

乙丑三日戌時立春席上口占

綺席傳生春回恰好初三夜宜春帖寫小幅鸞  
箋研 綵勝搖搖笑並金釵亞晴雲罅月娥窺  
乍一筆睂新畫

生查子

娟娟海棠風人在深深院絲雨忽相催小立踈  
煙晚 簾幕護春陰花影和愁捲春淺復春濃

燕子何曾管

綺羅香

與余子脩園詞話偶及石帚玉田二家集並廣其意

廣座徵歌閒房讀曲也要神仙流品耳食詞人  
一卷草堂名稔誰辨取石帚生香那蘸得玉田  
殘潘問新來令慢圖成調絃擷笛可曾審 休  
嘗今樂非古多少鴻儒哲相倚聲還恁笑我支  
離拍徧幾回珊枕倘樂府迸落羣珠更天機乞  
將餘錦肯負了醉寫烏絲酒痕紅袖沁

樂府羣珠天機餘錦

皆舊詞選本見竹垞翁詞綜發凡

紅娘子

嗽鮮荔子作

擘向纖纖指顆顆冰丸脆色點神砂香濃花露  
味甘仙醴數者般珍果重南天任晶盤堆漬  
海舶炎風駛十八孃邀致絳蠟封開紫羅襦解  
玉膚光起話榕陰飽嗽是髻齡又芳漿沁齒

先大

夫隨任閩中予生于官署

宴清都

送遠亭叔北赴選曹益叙築本邑捍海塘勞也



涼月侵冰簟消受得桂香雙袂濃染秋光恁好  
秋心怎釀別離愁釀年華駛若驚颿歎蟋蟀虛  
堂荏苒叔念哉強仕而今頭銜綠鬢猶占 秋  
卿碩衍孫枝門前畫戟先澤流豔維桑與梓維  
風及雨海波曾撼雞聲起舞茅店仗勝槩囊琴  
匣劍只故園詩酒心盟騷人冷淡

臺城路

感舊為張存中編修誠之明經日俞孝廉作

風流籍甚張公子翩翩一門三鳳蘿薦情殷芝

蘭味好吾亦鷄鳴長共才名壓衆羨伯子蜚聲  
木天華寵季也英多賓筵早聽雅歌送 琅嬛  
五車自富嫁青衫未了疇不哀仲黃土同歸白  
頭無分併做遮塲春夢泉扃抱痛痛日暮椿庭  
只將孫弄破涕承歡未亡人鄭重

誠之予姊壻繼娶  
子妹

沙塞子

過邨墅看梅

招客暗香隨意却最好臨橋傍水只溪雲凍入  
冰梢添儂愁思 踈踈幾樹饒野致又何必探

花擇地仗年年酒脣詩鬢商量春事

水龍吟

擬海神廟神絃歌用稼軒體

海兮西駕瓊鼇些潮子契昏朝些孤城大浸堤  
塘一綫區隍濠些載戢狂瀾以桑以稼潛鯤鮫  
些我民無魚鼈拜茲靈貺羌靈貺昭昭些 帝  
勞去聲兮神勞些神廟堊采塗椒些官司祈報竽  
竽瑟瑟雜金匏些神樂而輸銀沙有爛侈波熬  
些五風兮十雨惟神斯妥妥牲醪些

小桃紅

武林沈君起予自作小傳題曰南灣子文照為賦此解

文照新圖就巧借傳真手我我周旋自開生面  
筆花如斗者南灣色相是耶非問丹青知否  
記共傾盃酒樂託誰歟偶氣壯詩書性縈泉石  
茂才何茂儘腸寬容得菜根撐笑東陽腰瘦

摘得新

蒸薔薇露偶成

摘得新薔飄一丈春曉花蒸露重貯清芬金莖  
笑向盤中浥漢仙人

翦牡丹

憶紳符文淮上時丙寅三月置閨

渺渺予懷君還知否訴與春色先損江北江南  
可堪又春閨朝來穀雨風前園林側側幾番數  
却芳信回憶當杯正紅藥留暈那忘詩賭新  
韻走赫蹏萬經樓近一餉寫相思淮浦月明圓  
缺應準別時打艇雪花緊執手如昨千里杳難  
訊離恨看兩度碧梧新條自引

紳符少依舅氏萬經樓  
雨梧軒其偃息處也

江城子

書齋前新作盆池

閒門長日不教開怕塵埃撲荆柴壯不如人羸  
得舊吟懷竹石無多花幾顆剛欠著水臨階  
客攜蓮種勸教栽小亭臺旋安排鑿箇池兒休  
笑損蒼苔記取辛家詞意好待喚箇月兒來

稼軒

詞鑿箇池兒喚箇月兒來

端正好

借得雲林生溪山春霽圖屬義輔張大樞之

遙山一抹輕煙掃正春雨碧溪收了此間但著  
漁蓑到怕鷗夢還驚覺 雲林逸致憑君討愛

佳處寫來都肖卧遊輸我高眠好恍風動楊絲  
嫋

水龍吟

題無錫王曉仙芙蓉舫詞王名一元自號芙蓉漁康熙癸未進士占籍奉天令陝西靈臺尋罷流寓卒平生欲作萬首詞竟如其志

果然萬闋詞耶巨編四十驚初靚蓉湖漁者松  
山羈客筆花騰糝此癖殊深何思不豔有天皆  
瘦記紅綾撒燕三年製錦早拋了熏香綬 白  
髮寓公關右醉天涯唾壺頻叩鄉心客夢閒愁

絮景紛紛入手斫地歌殘栽花人去軼材誰又  
渺梁溪一片秦川月黑滯吟魂否

踏莎行

舟中書景

柿葉酣霜蘆花織暝匆匆又換深秋景碧天空  
處遠山低一行鴈背斜陽冷 矮屋團松野航  
牽荇打包僧帶踈林影江南早稻此時收前邨  
已有春聲應

踈影

楊文義承和予秋柳詞仍用前韻奉酬因念其先公押隅主人舊日雅誼不勝老成彫謝之感

才誇賦首恁攀條易感秋思飛驟客自愁心物  
亦奚然枯株也戀殘埃萎黃換盡輕黃色恰又  
值隕霜之候認箇儂門巷青楊淒絕者回叉手  
惟此風流可愛漢南已老盡猶挂談口澹澹  
蕭蕭獨立斜陽風景那堪追舊蕙葭水國伊人  
在且共與冷眠虛牖莫負他蕉萃蘭成只羨舞  
腰春瘦

漢南應老盡少陵柳邊句

### 壺山好

風塵裏何處著風流一詠一觴花底活佳山佳  
水屐痕留此外更無愁

### 黃鸝繞碧樹

讀新刻姜白石詩詞合集喜見石帚全詞是  
集葢元陶南邨手勘本

吾愛姜夫子堂堂雅樂布衣曾上戛玉敲金最  
新詞石帚盛名天壤彫殘久矣早收入陶家珊  
網還幾劫認取芸香未散瑤華無恙老去吟  
懷獨放賸茗溪客中還往笑當日但貧交足倚  
朝士誰仗只羨石湖好事却有箇雲鬢脫遮番

大雪催歸小紅低唱

小紅低唱我吹簫白石過垂虹句也小紅石湖所贈研北雜誌云其夕大雪

憶少年

賦得秀語奪山綠

春山媚嫵春吟麗婉春光評跋奚囊正採取把

煙鬟愁絕 倒卧尊中疑可啜早被我苔牋偷

割還憑巧意匠斲詩家風骨

昌谷詩酒中倒卧南山綠



